

Javno preduzeće „GRIJANJE“ d.o.o. Zenica

- NADZORNI ODBOR -

Broj: 10600 /17.

Zenica, 29.06.2017.god.

Na osnovu člana 31. i 42. Statuta Javnog preduzeća “Grijanje” d.o.o. Zenica, Nadzorni odbor Javnog preduzeća “Grijanje” d.o.o. Zenica, na 6. sjednici održanoj dana 29.06.2017. godine, d o n i o j e :

ODLUKU

Član 1.

Daje se saglasnost Javnom preduzeću “Grijanje” d.o.o. Zenica, za provođenje procedure javne nabavke kratkoročnog kredita po principu dozvoljenog prekoračenja iznosa na transakcijskom računu u visini od 1.200.000,00 KM, na period od 12 (dvanaest) mjeseci, radi plaćanja obaveza prema „ArcelorMittal Zenica“ d.o.o. Zenica iz sezone grijanja 2016/2017 godina i tekućih obaveza za sezonu grijanja 2017/2018. godina.

Član 2.

Ovlašćuje se Uprava preduzeća da sa odabranom bankom, nakon provedenog otvorenog postupka uz prethodnu saglasnost Nadzornog odbora, zaključi ugovor o kreditu navedenom u članu 1. ove odluke.

Član 3.

Ova odluka stupa na snagu danom donošenja.

OBRAZLOŽENJE

Nadzorni odbor Javnog preduzeća „Grijanje“ d.o.o. Zenica je nakon razmatranja trenutne materijalne situacije u kojoj se nalazi Preduzeće i koja je izuzetno nepovoljna, zaključio da pokretanjem procedure za nabavku kratkoročnog kredita po principu dozvoljenog prekoračenja po transakcijskom računu, Preduzeće moglo obezbijediti sredstva za plaćanje duga prema „ArcelorMittal Zenica“ d.o.o. Zenica iz sezone grijanja 2016/2017. godina kao i plaćanje tekućih obaveza prema „ArcelorMittal Zenica“ d.o.o. Zenica u narednoj sezoni grijanja 2017/2018. godina.

Nakon okončanja procedure nabavke kratkoročnog kredita, Nadzorni odbor će razmatrati osnovanost i opravdanost zaključenja ugovora sa odobranom bankom i davanje saglasnosti za zaključenje istog. Nadzorni odbor je već u prethodnom periodu odnosno na svojoj 49. sjednici od 28.12.2016. godine, dao saglasnost na Plan nabavki Javnog preduzeća „Grijanje“ d.o.o. Zenica za 2017. godinu, donošenjem Odluke broj: 17795/16. u okviru kojeg je između ostalog planirano podizanje kratkoročnog kredita, za namjenu plaćanja duga prema „ArcelorMittal“-u d.o.o. Zenica i obezbjeđenja nesmetanog početka naredne sezone grijanja, te na svojoj 6. sjednici od 29.06.2017. godine Odluku o izmjeni Plana nabavki Javnog preduzeća „Grijanje“ d.o.o. Zenica za 2017. godinu, kojom je na osnovu materijalno-finansijskih pokazatelja poslovanja Preduzeća izmjenjena vrijednost nabavke kratkoročnog kredita sa 2.500.000,00 KM na 1.200.000,00 KM.

U vezi naprijed navedenog, donesena je odluka kao u izreci.



Predsjednik Nadzornog odbora

mr.sci. Hasan Helvida, dipl.ecc.

Dostavljeno:

1x Skupština Preduzeća-Gradonačelnik Grada Zenica

3x Članovi Nadzornog odbora

3x Uprava preduzeća

1x Arhiva Nadzornog odbora